



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

II. Die Ianvarii.

urn:nbn:de:hbz:466:1-9625

Oratio. horas orando impenderet. Sacris ad mortem vsque quotidie est operatus. Cum extrema vnctione iam delibuto, sibi viriūadhuc aliquid superesse videret altero post illam susceptam die ad Indos concionē habuit, qualem facile est e dicentis virtute, ac temporis extremi cogitatione conijcere. Certum est plura illi diuinitus accidisse, à Cæli Regina potissimum, cuius nomini

tantâ illâ suâ orandi, se afflictiandi, semperque renouandi curâ erat additus, & solers ad eius cultum solidum, omni totius industriæ suæ ingenio. Mira quædam beneficia, quæ à Dei Matre obtinuit, compertâ famâ percepimus, at ea particulatim referre illi per modestiam suam non libuit, eoque nec nobis licet.

II. DIE IANVARII.

ADAMVS FRANCIS-
CUS SCHOLASTICUS.P. P E T R V S
B A L B A S.

Lustanus
in Commo-
rino Pro-
montorio
decessit.
Jan. 2. 1549.

Labores
multi, &
magni.

ANNO 1546. Aprilis 8. cum octo alijs de Societate missus est in Indiam, istic Sacris initiandus. In Commorino Promontorio concinuatim laboribus ad eod nil desidiosè egit, ad eod nullam benè gerendæ rei operam omisit, vt verè instigatu DEI agi & agere videretur. Quocirca Adami nostri ne tum quidem adhuc initiati & 2. Ianuarij anno 1549. e medio laborum abrepti vitæ instar esto, id quod 6. nonas Februar. 1549. de illo scribit magnus & virtutum perspicientissimus S. Franciscus Xauerius lib. 2. ep. 11. propè finem. *Visum est DEO dulcissimum fratrem nostrum Adamum Franciscum ex hac vita euocare vs ei plurimorum maximorumque laborum persolueret præmia. Mors ante acta vita respondit, que quidem quantum ab alijs accepi, & ipse perspexi. sanctitate floruit. Vir fuit plane pius, magniq; animi ardore in Ethnicis ad Christum aggregandis. Equidem magis illi me commendo, quam ipsum commendo DEO; persuasum enim habeo eum iam beatitudine, ad quam natus erat perfrui. Hæc de Adamo Francisco S. Xauerius.*

PET ipsos decem annos rebellis Iumini, quo ad Societatem inuocabatur, tandem ex Abbate S. Iusti factus est nouitius omni accuratiōne absolutus. Ad Magistri pedes supplex aperiebat sua intima vsque ad fundum cordis. Suspexerunt exempli illius magnitudinem Academici, & vrbs tota. Sub natales Christi ferias anno 1571. dixit se à Christo e Virgine nascente, loco strenge asperum quodpiam morbi genus flagitaturum, & qui boni haberet nihil quod illi offerret, certè ærumnosi mali quidpiam pro donario illi consecraturum. Et verò illa Christi nocte sacris tertium operatus, repente eod redactus est, vt 2. Ianuarij anni 1572. animam egerit, cum lætus identidem ingeminaret verba illa: *Viuat DEVS! Ad Calum, ad Calum abeo, & illam gloriam capeffo! gloriam iam capeffo.* Ita quarto ianti sacri tyrocinijs mense felix tyro ad capeffenda breuis militiæ præmia est vocatus.

Hispanus
Compluti-
Jan. 2. 1572.

Voatus.
Nouitius

Desiderium
passendi.

Mora

BER.

BERTRANDVS COR-
NELIUS COADIUTOR.Belga. Lo-
uanij. Ian. 2.
1601.

Vacatio.

Hic lautam illam ante cineres no-
ctem latus agebat in sæculo Iu-
uenis ingenio turbido, & ad vana
proiecto. Repentè illà nocte tactus
Diuinæ lucis radio, de æternitate ad
socios, efficacitate tantâ verba fecit,
vt qui nugari hominem primò puta-
bant, vbi ferid agentem viderunt, stu-
perint mutationem dexteræ Excelesi:
duobus qui aderant viris primarijs re-
pentè tunc ad meliora conuersis. Ipse
verò Societate illâ deserat, Societati
IESV se addixit, exquisitè ad omnem
rerum diuinarum, & officij sui apud
agros tractationem attentus. Mirum
illud, cum pungente semper conscien-
tiâ irrequietâ inquires illum per om-
nem vitam scrupulis exercuerit, su-
premo in morbo timidas illas & an-
xias religiones omnes repentindò illi
fuisse absterfas, ac mirabili cum tran-
quillitate commutatas.

HIERONYMVVS
ABARCA SCHOL.Hispanus 2.
Jan. vt ait
Menolog.
Stratij.
1601.

B. V.

Vacatio.

B. V.

Scrupuli.

Cum ad Pertanum Prouincialem
ceques iret, vt ab illo ad Societa-
tem admitti peteret, vnà cum equo in
rapidissimum flumen eccidit; & aquis
ac ab equo superincidente obrutus,
DEI Matris opem implorauit atque
persensit, dum statim inde emerfit
incolumis. Cum non admitteretur,
nobilis licet Iuuenis, ad tyrocinijs fo-
res sedit, Aethiopi pallium, pileumq;
donauit, constantiâ euicit vt recipe-
retur. DEIPARÆ auxilio alijs omni-
bus nequiequicquam tentatis, à scrupulis
conscientiæ tranquillatus est
omnino. A pueritia, & etiam in Socie-

rate, id illi in perpetuo more fuit, vt
eo temporis interuallo, quo bibebat,
SS. IESV & MARIÆ nomina cogita-
tione identidem imploraret.

Mensa.

Iesus Maria.

MATTHÆVS DE VOS
SCHOLASTICVS.

Brugis natus, perpetuus in studio se
fortiter subigendi atque vincendi
animo planè insigni, ac erecto, & audi-
do patendi. Si vel vmbra suspicaretur
intercessisse, quâ domi quempiam
offendisset, in genua & lachrymas
fundeatur, vt veniam obtineret. San-
ctissimum Sacramentum visebat fre-
quenter. Diuinæ verò Matris coro-
nam pietate singulari quotidie recita-
bar, idque tantâ constantiâ, vt pos-
teaquam illam semel recitare incœpit
puer, deinceps per omnem vitam nul-
lo vnquam die, quo demum cunque
obreatu omiserit.

Belga Lo-
uanij. Ian.
1623. Atac.
20.
Mortific.

Charitas.

B. V.

Constantia.

P. FRANCISCVS
DE ENZINAS.

Iam inde à puero deuotus Virginis Ma-
tris dictus, quam omni precum quas
reperiebat, genere, ac institurâ saepe
nouendiali pietate, colebat. Vir exi-
miè pius, & fide dignus persanctè re-
tulit, conspectam à se DEIPARAM,
quæ compositum & oblatum sibi à
Patre Francisco Marianum librum,
hilarè ab ipso acciperet. Visus est ali-
quando fusâ de vultu radij fulgentis
luce ac in librum vibrata in templo,
tenebris incubantibus è libro horas
caconicas recitasse, cum illas ob con-
fitentium confertam vim prius ex-
qui minimè potuisset. Per annos 30
Bisagaros Indos, excoluit, dura ibi
passus; & tamen se miris cruciatibus
dirè exercens.

Hispanus
Manilæ. 2.
Jan 1632.
B. V.Vide Anna-
les meos
Marianos
1632.

Oratio.

MAXIMILIANVS GRIMALDUS SCHOL. NOVIT.

Neapol. 2 Ian.
1643.

Silentium.

Mortific.

Societatis veste tunc in morbo primum impetratâ, & votis ritè conceptis mortuus. Multa tenera de illo annuâ: Inter quæ illud, quòd ad Eucharistiam se persancto & longo silentio præparavit, quòd singulis noctibus acri flagello se ceciderit, quòd à Bmâ. Virgine mortem pro Christo cruentam petierit, quòd Seminarij grande fuerit in omnibus documentum; quòd denique illius mater, illustrissima fœmina, in templo Domus Professæ Neapoli, inter Societatis tyrones tunc templum fortè ingressos Maximilianum suum, veste Societatis insignem vigil, attenta, & læta conspexerit, cum tamen ille æger domi decumberet. Ita catalogo nostro, & breui tumulo illatus est, ætatis anno 14. & illi in templo Domus Professæ, tanquam vni è nostris est parentatum.

S. Xaverii. Pridie quàm supremum decumberet, per quietem vidit S. Xaverium, qui contubernij conuictorum, in quo ipse degebat, adolescentes omnes accerferet, vnum ex eis Cæli candidatum selecturus, qui proximè mortem oppeteret, quemque ipse Xaverius ad superos asportaret. Coniectis omnium adolescentum in vnam nominibus, vidit suum, Maximilianum, nomen primâ sortitione extractum.

P. HENRICVS
SCHACHTIUS.

Germanus
In Missione
Hamburgensi 2 Ian.
1644. ætat.
71.

Tria vota Professus. In Suetiam penetrauit; vtque latens Catholicos iuuaret securius, artificem musicularum simulauit, apud Zachariam

Anthelium Consulem Vpsaliæ diuertit, & ibi cunas agitauit, gerulæque vices identidem subiuit. Demum à Regis musico, qui cum esset Apostata se Catholicum simulabat, proditus, è lecto in tetrum carcerem abreptus, planè nudatus, frigore, pædore, catenis, ter equuleo acerbissimè cruciatus, iamque gladij supplicio in fidei odium inferendo vicinus, tamen quia hospes non item ciuis erat, viuere permixtus, at Regno proscribitus est. Anthelio consule, & Gregorio Vrsino Secretario in odium Catholicæ fidei securi percussis. Quæ ille omnia per quietem viderat, paucis antequam caperetur diebus, ita vt ipse in hæc verba descripsit, de se quasi de alio loquens: *dormiebat quartam inter & quintam matutinam, cum raptari sibi visus est in aulam magnificè ornata, atque inter confertam, qua collecta illic erat multitudinem collocari. Stabat in capite aula ingens ara, cuius in opposito, ad angulum sinistrum ex ostiolo progressus alta vir statua, vestem indutus attalicam albam, truci vultu turbam contemplatus, capite innuit Anthelio consuli, mox & Vrsino, vè ad aram pergant. Quorum, dum eunt, momento capita in ara collocata sunt abique trunco. Tertio dein adolescenti dum eundem innuit, iuit & ipse, sed tristis admodum; cuius etiam caput dum eidem videtur aræ imponi, repente tanquam inuisibili manu proiectum volutabatur in terra. Tandem idem trux ille vir Schachtium nostrum à summo ad inum aliquamdiu contemplatus; Tibi, inquit, tanquam peregrino parcam. Hæc ille scripsit, & expertus est. Adolescens verò ille sub ipso gladij ictu fidem negauit, & tamen celsus est. P. Henricus autem postea in Tillianis castris, denique per annos 24 in Rheno inferiore laborauit, vsque ad ætatis annum 71. & mortem obiuit in missione Hamburgensi.*

III. DIE